

I TCHYÈBRA DE MUCHYU CHOUGUIËN

Muchyu Chouguiën aey jaméy roussey at'é tchyèbre.

E je perjei tote d'a méyma mouda: oun biô matën, fajan choeutA o cordéy e fotan o cam po a montagne; enâ réy, i oeu e je cruchïe. Aey biô oeu je féyre dzoumin, oeu je féyre puiri du oeu, ire pari. Iron de tchyèbre quyè pouan pa che véyrre ënhlouche.

I bon Muchyu Chouguiën ire to mancourey: îE to futù, e tchyèbre che âchon énoé entchye mè; pourrey pâ me vouardâ youna.

Ch'è toutoun pâ decoradjyâ; ën a atstâ ouna chatiëma, ma ché âdzo a t'a preycha dzouena, qu'ouche puchu ch'acoutoumâ avoe yui.

Ah! timpô, qu'ire-t-i crâna, i dainta tchyèbra de Muchyu Chouguiën! Quire-t-i crâna, avoe hloeu joè doeu, hla barbeta de dzouenno choeudâ, hloeu pyâ ney e traluijin, hloeu on pey blan qu'ey fajan coume oun manté! E bona bouba avoe chin; e che achyée ariâ chin pyatâ. Ouna tchyèbra dij'andze.

Muchyu Chouguyën aey darri meyjon oun erdjyè hlou de bochon; a etatchya a tchyèbra per oun pahin u biau meytin du prâ; ey a baya brâmin de corda et vigney tsiquyè voarba véyrre ch'ey vojey. I tchyèbra continta e i patron avouéi. îAh! chy âdzo, aminte, youna quyè che acherè pa enoé ëntchye mè!î

Muchyu Chouguiën ire d'oun béy: i tchyèbra ch'èt achyei énoé.

Oun dzo ën avouetsin a montagne a moujâ: Coume oun dey ''tre bën enâ-réy! Quiën pleyji de choeutatschye p'é youtri, chin chy crouéi lè quyè me rënche o cou! E bon po o burrico u o butschyo de brotâ derën per oun hlou! I tchyèbre, oeu fau o gran pan!

Di adon, èrba du cramo ey a chimblâ chin gouche ni mouche. Ch'et achyei énoé, èt ignoei crôï coume Ôn'achele, a acouley bâ o acé. Fajey mâ d'a te véirre teryè to dzo cho' cordey du bey d'a montagne, e nari ouè po vouècâ: Mêêê!...

Muchyu Chouguiën veey proeu qu'i tchyèbra y aey oun chaquyè, ma dèquyè? Oun dzo o matën, quan a ju fourney d'a târyâ, i tchyèbra ch'è veryey e ey a di ën choun patoè:

- Aquoeutâ-éi, Muchyu Chouguiën, yo me âcho énoé er vo, achye-mè aâ enâ a moutagne.
- Ej-Marya o! Sta avouéi! a queryâ Muchyu Chouguiën ën balin courre u dolè. Pouette ch'è chetâ decoûte a tchyèbra:
- Coumin, Blanquyetta, tu u m'achyè plantâ?
- E Blanquyetta a repondu:
- Voa, Muchyu Chouguiën.
- T'a pa proeu d'èrba chy?
- Oh! Quyè bën, Muchyu Chouguiën.
- Téi étatchyey troà cou? Faut-i te bayè de côrda?
- N' voâ pa a peyna, Muchyu Chouguiën!
- Arrè, dèquyè te fau? Dèquyè tu u?
- Vouéy aâ enâ a montagne, Muchyu chouguiën.
- Ma! Poura tè! Tu châ pa quyè y è i oeu enâ montagne! Dèquyè faréy-tu quan vëndrè?

- Ey balerai de troutso at'é corne.

I oeu che fo pa mâ di tchy troutso. M'a ju devoeutey de tchyèbre atramin cornyoè quyè tu. Tu châ, i poua vieli Renoeuda q'ire chy antan? Chin ire ouna tchyèbra! De corne de fèi, e vyâta coume oun boquyè. Eh bën, ch'è batschouey av'o oeu tot'a né, e o matën, i oeu a t'a mïndjyey.

- Oh! Poura Renoeuda!... Fé rin, âche-mé aâ enâ a mountagne.

- Ej Maryà-o! a di Muchyu Chouguiën. Ma, dèqu'an ti fé i tchyèbre à mè? Ounco youna qu'i oeu voà me cruchi! Eh bën na! Voajo te choâ magrà te, chouguièna. E por dère quyè tu fajèche pa a choeutâ a côrda, te foto u boeutson e tu chôterey pa méi!

E chu chin, Muchyu Chouguiën porte a tchyèbra ën per oun cramo a topon e a veryà a chlâ a dou to.

Ma d'a metsance, a ju oublâ a fenéitra, e astou qu'é ju veryà, i tsebretta a figâ via.

De hla doïnta blantse, tota i mountagne e ju detracâi. Jaméi e vyo chapën aan ju yu quaquyè tsouja de pari byô; â t'an rechyÛa coume Ôn'a reina. E tsatagnè che doublàon tanquyè ba ïnquy-bâ po a te trutchyè du son di ouche. E roucheën ch'etsÛion po ey fèire a vey, e achonAon bon to chin quyè pouan. Tota i mountagne ey a fé f'ta.

Tu pu te moujâ vouéiro noutra tchyèbra ire continta! Pa méi de cordéi, pa méi de pahin, pouey choeutatchyè e cournehlâ e mïndjyè a pleyji. Y aey de patoura tan quyè cho'è corne. E quyènta patoura. Pa d'ërba dÛra! Chaoroeuja, f'na, fretsi, avoe de ta de tote chôrte de boqyè. D'âtre note quyè chin du cramo! De groche campanhne pèrche, de tindon, de pëmpyoè, quyè te fajan ini tsuco.^[LÉPISÉP]A metchya pionhna, i tchyèbra blantsi voeutâe derën réi, e tsambe ën è, e roubataë ba p'é drey, mèhla avo'é fole e e tsatagne.

E tota cou, che redrechyé cho'é patte. Hop! e ire vïa at'a t'ta dean a traéi d'i brouttën e d'a bochonale, ora enâ ch'ouna crètta, or'a fon d'ouna rimbl'rri, en'â bâ, parto... Oun arey d' qu'y aey djyè tchyèbre de Muchyu Chouguiën enâ a mountagne.

Aey puiri de tsouja, i Blanquyèta. I frantsïe d'un châ e torrin qu'a t'épessAon. Tota fèïnta, voajey che mettre deplâ ch'na péire t'da po che chetschyè u chaey... Oun cou qu'é joey oeutre a som d'un chéi brotâ de folle de tserbafoà, a yu, to bâ p'a planhna, a meymon de Muchyu Chouguiën avo'o pâ darri. A boutâ ej'egreme de rire.

I Quy'é-t-i doën! Coume è quy'i puchu tini derën inquyè?ï

Poura crapota! De che véirre tan vâ a dzoquyè, che moujAe quy'ire i reyna d'a tèrra...

E ju Ôna bonna dzornïa po a tchyèbra de Muchyu Chouguiën. Oeutre p'é denâ, é tchyucha u meytin d'ouna berdziri de tsamo ën trin ën devoeuti oun bochon de cudra. Chon ju proeu tochyà de vérre sta crâna; ey an bayà a meloeu plache; tchui hloeue muchyu an "tâ proeu gAan. Tot a cou, a curu oun'oura fretsi, i mountagne et'ignoey vioetta... ire ën deotâ...

A mouja apréi o oeu; aey pâ moujâ de tô o dzô. U méimo tim, ouna touba toubæ bâ p'a vallée. Ire i bon Muchyu Chouguiën qu'a te bretschyée.

- Hou! Hou! fajey i oeu.

- Torna ba, torna ba! queryaë i touba.

I touba toubæ pa méi...

I Tchyèbra a avouï darri yey oun trin de folle. Ch'é veryey e a yu, ën pè ombra, davoe j'orelle courte, tote dreyte, avoe douj'oè quyè traluijan... Ire i oeu!

Mostro, to quey, chetâ ch'o darri, ire réi e avoetchyée a doënta tchyèbra blantsi, e che etchyée djyà a invoa. Coume i oeu chaey proeu qu'a t'arey mïndjyey, aey pa coueyti, ma ch'è mettu ën rire, metchin.

Blanquyèta ch'é chintchey perdjoey... Tsica, ën ch'ëchnuignin d'a poura Renoeuda, quyè ch'ire batchoey tota a né po che féire mindjè o matën, a moujâ quyè charey potéitre ju myo de che achyè mïndjè dedrey. Aprèi, ch'è ravijyey, ch'è metchoey ën voarda, a t'ta bâcha, e corne ën dean, coume ouna coradzoouja tchyèbra de Muchyu Chouguiën qu'ire... Pa qu'ouchey mouja de poey tchoa o oeu - e tchèybre tchouon pa e oeu - ma po véirre ch'arey tinu ach'ontim quy'i Renoeuda.

Adon i mostro ch'et avanchya e e doënte corne che chon metchoè a danchyè.

Ah! quënta brâa tsbretta! Coume voajey d'oun bon cou! A fé a recouâ o oeu pachâ djyè cou po chohlâ. E tsiquyè cou, profeytchyée po prinde ounco oun moè de hlâ bon'ërba, e tornaë a che battre at'a gordze pleyna. Chin a doura tota a né. De voarba a voarba, i tchyèbra de Muchyu Chouguiën avoetchyée ej'eteyie danchyè p'o chyè hlâ pè e che dejei:
- Oh! tôdrey quyè tignècho tan quy'a ârba...

Youna apréy âtra, ej'eteyie che detchënjan. Blanquièta redoblaë de cou de corne, i oeu de cou de din... Cho'e chërre du ëin, couminchyée d'ërbeé... I voè rôtsi d'oun poeu vigney enâ di p'oun mâhin.

« Enfên! » a di i poura bîtchyè, quy'attinjei pa méi quy'o dzo po mur". E ch'et etindjoey ba ïnquyi bâ, ën pè chla bêa forra blantsi tota tatchyey de chan.

Che di Borne